



UNIVERSITÄTS-
BIBLIOTHEK
PADERBORN

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.2. Jesu crucifixi rara & eximia pulchritudo.

[urn:nbn:de:hbz:466:1-47123](#)

Adeò hic quoq; quodammodo verum est vetus illud :
Amare & sapere vix ipſi D E O concedi.

Publ. Syres.

§. 2.

I E S V crucifixi rara & eximia pulchritudo.

Am pulchritudo, quæ potentissima est humanorum cordium amorumq; prædatrix, quanta tibi in Christo crucifixo esse videtur? Cave enim putas, tunc solùm speciosum fuisse præ filiis hominum, cùm vel infans materno in gremio luderet, vel adolescens proficeret gratiâ apud Deum & homines, vel virili dignitate florens inter populos versaretur: at per tormenta jam atq; flagella, per livorem vulnerum, spucorum dedecora, cruxis litoras, pallorem mortis, omnem illam pristinam speciem, vultusq; decorem ac dignitatem intercidisse: quasi ille quidem pulcher admodum sit in sinu Patris, pulcher in sinu Virginis, at deformis ac fædus in sinu crucis. Siquidem & Christus crucifixus, etiam ad miraculum pulcher est: sed ijs profecto qui ad id acutos & exercitatos sensus habeant, quiq; etiam per hæc dedecora, intermicantis cuiusdam arcanæ pulchritudinis lineamenta ac formam internoscere possint; non ijs qui duntaxat hærent in externa specie, & ultra ea, quæ in sensu carnis incurront, aciem nequeant mentis intendere. Quorum vox illa est in Isaia: Non est species ei, neg. decor. Et vidimus eum, & non erat affectus. Etenim, si S. Augustino credimus, Iudeorum personam gerebat Propheta, cùm diceret: Vidimus eum, & non habebat speciem neg. decorum. Intelligentibus autem (inquit) & Verbum caro factum (utiq; & Christus crucifixus) magna pulchritudo est. Unde subdit: Mibi autem abit gloriari, dixit unus amicorum sponsi, nisi in cruce Domini nostri IESU Christi. Atq; subinde rem magis explicans: Nobis ergo tam creditibus (ait) ubiq; Sponsus pulcher occurrat. Pulcher in celo;

ROY
APRIL 9
7 1804
VII

cælo , pulcher in terra , pulcher in utero , pulcher in manib⁹ pa-
rentum , pulcher in miraculis , pulcher in flagellis ; pulcher invi-
tans ad vitam , pulcher non curans mortem , pulcher deponens
animam , pulcher recipiens , pulcher in ligno , pulcher in sepul-
chro . Vidésne quid ait : etiam in flagellis , etiam in ligno
atq; sepulchro pulchrum esse ? quia nempe , ut ibi subjun-
git , summa & vera pulchritudo justitia est : cuius utiq; justi-
tia partium omnium apta inter se se , summā cum dignitate
atque suavitate , consensio inter cruciatus & opprobria in
Christo præsertim emicuit , divinōsq; etiam rapuit oculos.
ut jam non verear , favente S. Ambroſio , nec ipso opinor
repugnante Augustino dicere : Pulcher in utero , sed pul-
chrior in ligno : pulcher in fascijs , pulchrior in flagellis ;
pulcher in miraculis , pulchrior in opprobrijs ; pulcher
in monte Thabor , pulchrior in colle Calyariæ ; pulcher
in gremio Matris , pulchrior inter brachia crucis.

Audi Ambrosium , ita pulchrè de Christo crucifixo , &
*L. 2. de Spir. appositè in rem nostram : Ego flos campi , & lilyum conval-
S. c. s. lium . Flos odorem suum & succisus reservat , & contritus accu-
mulat , nec avulsus amittit . Ita & Dominus IESUS in illo
patibulo crucis , nec contritus emarcuit , nec avulsus evanuit , &
illæ lanceæ punctione succisus , sacro speciosior fusi cruxis colore
vernavit , mori ipse nescius , & mortuis æternae vite munus ex-
balans .*

Ergo ex S. Ambrosij mente , speciosior fuit flos ille di-
vinus , cùm in stipite crucis velut succisus atq; contritus , ex-
ternâ specie in hominum oculis emarcuit ; neque fusi cruxis
infectione decolorari visus est , sed novum decorum ac-
cipere , & tanquam tinturam speciosissimæ charitatis .

Aptè quippe idem Augustinus alium psalmum expo-
nens , exquisitam illam divini Sponsi pulchritudinem , qd
ad se rapit animas sanctas , docet præsertim in charitate (quæ
etiam eidem vera est justitia) consistere , quæ quoniam in
Christo

Christo nusquam excellentius, quam cum crucifixus est, apparuit; consequens est eum, haud usquam alibi speciosorem, quam in ipsa crucis deformitate fuisse. Sed juvabit ipsa S. Doctoris verba ponere: *Sponsus est ille, inquit, quo In Psal. 127. nihil est pulchrius: qui quasi fedus apparuit inter manus persequentium;* de quo paulo ante dicebat Isaiae: *Et vidimus eum, & non habebat speciem, neg, decorum. Ergo Sponsus noster fedus est ab sit.* Quomodo enim illum Virgines amarent, que in terra maritos non quasierunt? Ergo persequentibus fedus apparuit. Non enim habebant oculos, unde Christus pulcher videatur. Nam ut noveritis, quia pulcher est Christus, qui amatur, audi Prophetam: *Speciosus formâ p̄ræ filijs hominum. omnes homines supererit illius pulchritudo.* Tum istud præclarè subiicit, cuius gratiâ reliqua posuimus: *Quam rem amamus in Christo? membra crucifixâ, latus vulneratum, an charitatem? Quando audimus, quia passus est pro nobis, quid amamus? Charitas amatur. Amavit nos, ut redamaremus eum.* Et quæ sequuntur.

Ille igitur quasi leprosus, ille vermis, atq; hominum incredulorum opprobrium, etiam per sputorum de honestamenta, per vulnerum livorem, per laceros artus, & membra confusa suo sanguine, credentium oculis divinam ostentat atq; ingerit pulchritudinem, eōq; etiam animabus sanctis speciolor apparat atq; amabilior, quod eum intelligent, amore sui ad tam indigna ac deformia devenisse.

Adscribamus deniq; verba S. Bernardi, de hac Sponsi nostri pulchritudine, etiam in infirmitate carnis & abjectione passionis, ita philosophant: *Quam pulcher es Angelis tuis, Domine JESU, in forma DEI, in die aeternitatis tuae, in splendoribus Sanctorum ante Luciferum genitus. Splendor & figura substantie Patri!* *Quam mibi decorus es, Domine mi, in ipso tui hujus positione decoris!* Etenim ubi te exinanivisti, fer. 45. in ab in naturâ libus radis lumen indeficiens exiisti (quod in Incar- Cant.

272 *Pars III. Interior anima occupatio
natione & præsertim in passione contigit) ibi pietas magne-
nituit, ibi charitas plus effulgit, ibi amplius gratia radavit.
Hæc de secundo.*

§. 3.

*De ejusdem Salvatoris nostri, inter amarum passionis suam,
incredibili suavitatem.*

Porrò si suavitas quæritur, si dulcedo spiritus, si sancta
moris blanditiae, audeo dicere, nuspianum Dominum Iesum
Christum, quām in ipsa cruce, in eo tormentorum hor-
rore, in ea tanta tamq; incredibili passionis suæ ac mortis
amaritudine, amantium sensibus dulciorem ac blandiorem
esse. Pulchrè siquidem S. Augustinus, in illa verba Psalmi
117. *Circumdederunt me sicut apes favum* (nam postremam
vocem addit ex græca versione) de hoc ipso differens, ita
loquitur: *Nescientes persecutores, fecerunt eum nobis ipsa pa-
ssione dulciorem, ut gustemus & videamus, quām suavis est Do-
minus, qui mortuus est propter delicta nostra, & resurrexit pro-
pter justificationem nostram.*

*S*anctus porrò Bernardus sermone quodam in Cantica,
serm: 61. in cùm illa S. Augustino paria dixisset: *Per has rimas (hoc est)
Cant: per aperta Salvatoris vulnera) licet mibi sugere mel de petra,*
oleumq; de saxo durissimo; id est, gustare & videre, quoniam
suavis est Dominus. Et ista: *Patet arcanum cordis perfora-
mina corporis; patet magnum illud pietatis Sacramentum; pa-
tent viscera misericordie D E I, in quibus visitavit nos orient ex*
alto. Tum verò subjungit, quod præsertim huc pertinet:
Quidni viscera per vulnera pateant? in quo enim clarus, quām
in vulneribus tuis eluxisset, quod tu Domine, suavia & mitia es,
& multe misericordie? Rursum autem Christum crucifixum,
cum eo quem fese demonstratus est in gloria, quodammodo
comparans: *sublimis, inquit, in Regno, sed suavior in*
cruce. Quod non ita dictum putabimus, quasi etiam in re-
gno